

KICHIK MAKTAB YOSHIDAGI O‘QUVCHILAR PSIXOLOGIYASINI O‘RGANISH

Daniyarova Aziza Mirzayahyayevna

*Rishton tumani 1- umumiy o‘rta ta’lim maktabi
amaliyotchi psixologi*

ANNOTATSIYA

Mazkur maqolada kichik maktab yoshidagi o‘quvchilarning psixologik xususiyatlari, ularning bilish jarayonlari va emotsional rivojlanishini o‘rganish masalalari yoritiladi. Ushbu yosh davrida bolaning shaxs sifatida shakllanishida psixologik yondashuvning ahamiyati tahlil qilinadi.

Kalit so‘zlar: kichik maktab yoshi, o‘quvchi psixologiyasi, bilish jarayoni, emotsional rivojlanish, motivatsiya, diqqat, tafakkur, tarbiya.

KIRISH

Kichik maktab yoshi bolaning psixologik rivojlanishida muhim bosqich hisoblanadi. Bu davr odatda 6–10 yosh oralig‘ini qamrab olib, bolaning o‘yin faoliyatidan o‘quv faoliyatiga o‘tishi bilan xarakterlanadi. Ushbu davrda bolaning tafakkuri, diqqati, xotirasi va emotsional holatida sezilarli o‘zgarishlar yuz beradi.

Kichik maktab yoshidagi o‘quvchilarning psixologiyasini o‘rganish ularning individual xususiyatlarini aniqlash va ta’lim-tarbiya jarayonini samarali tashkil etishda muhim ahamiyatga ega.

Bu yoshdagi bolalarda bilishga bo‘lgan qiziqish kuchli bo‘ladi. Ular yangi ma’lumotlarni tez qabul qiladi va atrof-muhitni faol o‘rganishga intiladi. Shu sababli o‘qituvchi va psixolog bolaning qiziqishini qo‘llab-quvvatlashi zarur.

Diqqat jarayoni hali to‘liq shakllanmagan bo‘lgani sababli bolalar tez chalg‘ishi mumkin. Dars jarayonida qiziqarli metodlardan foydalanish ularning diqqatini uzoqroq saqlashga yordam beradi. Xotira jarayoni bu davrda faol rivojlanadi. Ayniqsa, ko‘rgazmali va emotsional materiallar bolalar tomonidan tezroq eslab qolinadi.

Tafakkur rivojlanishi ham muhim ahamiyatga ega. Kichik maktab yoshidagi o'quvchilar aniq va obrazli fikrlashga moyil bo'ladi. Asta-sekin mantiqiy tafakkur shakllana boshlaydi. Emotsional jihatdan bolalar juda ta'sirchan bo'ladi. Maqtov va rag'bat ularning o'ziga bo'lgan ishonchini oshiradi. Tanbeh va qo'pollik esa aksincha salbiy ta'sir ko'rsatishi mumkin.

Psixologik kuzatish, suhbat va diagnostik metodlar orqali o'quvchilarning individual xususiyatlari o'rganiladi. Bu esa ularga mos yondashuvni tanlash imkonini beradi. Oila va maktab hamkorligi bolaning psixologik rivojlanishida muhim rol o'ynaydi. Ota-onaning mehribonligi va o'qituvchining qo'llab-quvvatlashi bolaning sog'lom shaxs sifatida shakllanishiga yordam beradi.

Odatda psixologik adabiyotlarda keltirilishicha kichik maktab yosh davri 6-7 yoshdan 10-11 yoshgacha bo'lgan davrni o'z ichiga oladi, lekin bu yosh davrga ajratish prinsipi qat'iy va mutlaq degan fikr emas, albatta. Chunki, xalq ta'limi tizimida yuz beradigan ayrim o'zgarishlar bunga u yoki bu tarzda o'z ta'sirini o'tkazadi. Jumladan, bola maktab ta'limiga bog'chada tarbiyalanayotgan paytdan boshlab tayyorgarlik ko'ra boradi, buning uchun u, dastavval ta'lim tarbiya tomonidan o'quvchi shaxsi oldiga qo'yiladigan turli mazmundagi talablar bilan tanishadi, undan tashqari u fan asoslarini egallash uchun ham biologik jismoniy, ham psixologik jihatdan qariyb yetilgan, jismoniy va aqliy mehnat qilish imkoniyatiga ega bo'ladi.

Kichik maktab yoshi bir qancha bosqichlarni o'z ichiga oladi.

-Maktab ta'limiga psixologik tayyorgarlik va rivojlanishning ijtimoiy shartsharoitlari,

-Maktabga moslashish,

-Kichik maktab yoshida yetakchi faoliyat,

-Kichik maktab yoshida asosiy psixologik yangilik,

Bolaning maktabda muvaffaqiyatli o'qishi ko'p jihatdan ularning maktabga tayyorgarlik darajalariga bog'liq. Bolaning maktabda o'qishga tayyorligi quyidagilarni o'z ichiga oladi.

1-Shaxsiy tayyorgarlik. Motivatsion sohaning rivojlanganlik darajasi. Bilishga qiziqishning mavjudligi. Ijtimoiy munosabatlar tizimida O' zining maxsus o'rni bolishiga intilish, muhim baholanadigan faoliyatni bajarish ya'ni o'quvchi bo'lish.

2-Intellectual tayyorgarlik. Tevarak-atrofdan mo'ljal olib bilish, bilimlar zaxirasining mavjudligi. Idrok va ko'rgazmali-obrazl tafakkurning ma'lum darajada rivojlanganligi. Umumlashtirish darajasi narsa va hodisalarni farqlash va umumlashtira olish ko'nikmasi. Nutqining ma'lum darajada rivojlanganligi; ko'pincha aqliy tayyorgarlik deyilganda bolaning dunyoqarashi, jonli tabiat, insonlar va ularning mehnatlari haqidagi bilimlari tushuniladi. Ushbu bilimlar maktab beradigan ta'limga asos bo'lishi mumkin, lekin so'z boyligi, ma'lum xatti-harakatlarni bajara olish layoqati bolaning maktabga aqliy tayyorgarligining asosiy ko'rsatkichi bo'la olmaydi.

3-Harakat tayyorgarligi; mayda motorika; kattta harakatlarni amalga oshirish (qo'l, oyoq, tana).

4-O'quv faoliyatiga tayyorgarlik; kattalarni diqqat bilan eshita olish va uning ko'rsatmalarini aniq bajarish; topshiriqni mustaqil bajarish; chalg'ituvchi omillarga e'tibor bermasdan topshiriqni bajarishga kirishish. Birinchi bor maktabga kelgan bola hali o'zini to'liq anglashi va o'z hattiharakatlarini aniq bilishi qiyin. Faqat o'qituvchigina bolaga me'yorlar qo'yishi, ularning hatti-harakatlarini baholashi, o'z xatti-harakatlarini boshqalar bilan moslashtirishga sharoit yaratishi mumkin. Boshlang'ich sinfda o'quvchilar o'qituvchi tomonidan qo'yiladigan yangi talablar va shartlarni qabul qiladilar, shuningdek, ularning qoidalariga to'la amal qilishga harakat qiladilar.

Bir qator ijtimoiy va pedagogik tadqiqotlar shuni ko'rsatadiki, faqat har beshinchi birinchi sinf o'quvchisi jamoaga muammosiz qo'shiladi va deyarli darhol standart o'quv jarayoniga o'rganadi. Bo'lajak birinchi sinf o'quvchilarining qariyb yarmi, hatto oddiy bolalar bog'chalariga boradigan va yaxshi psixologik xususiyatlarga ega bo'lgan, shuningdek, maktabga tayyorgarlik bo'yicha testlardan muvaffaqiyatli o'tgan, oxir-oqibat moslashish bilan bog'liq muammolarga duch keladi, asosan intizom va o'quv faoliyati bilan bog'liq. Boshqalar yo'qligida bu muammolarning sababi salbiy omillar(oilada salbiy ijtimoiy vaziyat, sog'liq muammolarining mavjudligi va boshqalar) - jamiyatning

tavsiflangan ijtimoiy birligining o'yin komponentiga e'tibor qaratish. Bola, to'g'ri va oldindan tayyorlanmagan, o'zi uchun ham aqliy, ham ijtimoiy jihatdan yangi sharoitlarga yaxshi moslasha olmaydi.

Yuqoridagi barcha muammolarni faqat har tomonlama hal qilish mumkin, bu bolaga ta'lim va bilish jarayonida diqqatni to'g'ri joylashtirishga yordam beradi, uni ta'limdagi har qanday muvaffaqiyatga rag'batlantiradi, maktabdagi xatti-harakatlarning aniq intizomiy asosini shakllantiradi.

Kichik maktab yoshidagi bolalarning asosiy faoliyati o'qish hisoblanadi. Bolaning maktabga borishi, uning psixologik rivojlanishi va xulq-atvoridagi o'rni nihoyatda katta. Bu davrda axloqiy hatti-harakat qoidalari o'zlashtiriladi, shaxsning ijtimoiy yo'nalishi tarkib topa boshlaydi. Ushbu sifatlarning shakllanishi bolada bilish jarayonlarining faolligi bilan bog'liqdir.

Idrok. Kichik maktab yoshidagi bolalar idrokining o'tkirligi sofligi bilan farq qiladilar. O'quvchilarning idroki o'ziga xos bilimga tomoshabin tariqasida berilganlik bilan farq qiladi.

Diqqat. Kichik maktab yoshidagi o'quvchilar diqqatining asosiy hususiyatlari ixtiyoriy zaifligidadir. Kichik maktab yoshida diqqatni iroda kuchi bilan moslash va uni boshqarish imkoniyati cheklangan bo'ladi.

Xotira. Kichik maktab yoshidagi o'quvchilarda xotira ta'limining ta'siri bilan ikki yo'nalishda rivojlanadi. So'z mantiq xotirasining va mahnosiga tushunib esda olib qolishning rolg'g'i va uning salmog'i kuchayadi, tartibga solish imkoniyatlariga bo'ladi. Birinchi signal sistemasining faoliyatining nisbatan ustunligi tufayli kichik maktab yoshidagi o'quvchilarda so'z mantiq xotirasi deb atalgan xotiraga qaraganda ko'rgazmali-obrazli xotira ko'proq rivojlangan bo'ladi.

Xayol. Xayol muhim psixik bilish jarayonlaridan biridir. Xayolning faoliyatsiz o'qituvchi gapirayotgan va darslarda yozilgan narsalarning tasavvur qilishni hamda ko'rgazmali obrazlar bilan ishlashni bilmay turib, hech qanday o'quv predmetni chinakkam o'zlashtirishi mumkin emas. Kichik maktab yoshidagi o'quvchining xayoli uning o'quv faoliyatining ta'siri va talablari bilan tarkib topadi. Shuning bilan bir qatorda bevosita

ta'surotlar (muzey, vistavkalarning borib ko'rish, kinokartinalarni ko'rish, ekskursiyalarga borish, maktab yer uchastkasida ishlash va boshqalar) ham xayolni rivojlantiradi.

XULOSA

Xulosa qilib aytganda, kichik maktab yoshidagi o'quvchilar psixologiyasini o'rganish ta'lim va tarbiya samaradorligini oshirishda muhim ahamiyatga ega. To'g'ri psixologik yondashuv orqali bolalarning intellektual va emotsional rivojlanishini qo'llab-quvvatlash mumkin.

FOYDALANILGAN ADABIYOTLAR RO'YXATI:

1. Ontogenez psixologiyasi E,G'oziyev, Toshkent"NIF MSH"2020
2. Davletshin M.G. Zamonaviy maktab o' qituvchisining psixologiyasi.<<Pedagogika va psixologiya» (ilmiy ommabop seriya).- T. , Nizomiy nomidagi TDPU, 1999/1.
3. KYMaeBa, r. Y. (2022). OHJIABHñ MYHOCABATJTAPAAFH BEFOHAJTATIIIYBHHHF H)KTHMOHñ HCHXOJIOFHK OMHJTJTAPH. Science and innovation, 1(B3), 428-431.
4. O'ralovna, J. G. (2022). Social Psychological Problems of Alienation. EUROPEAN JOURNAL OF INNOVATION IN NONFORMAL EDUCATION, 2(4), 204-206.
5. Ziyonet